

1511 ad Maximilianum proficisceretur, cum fœderis ferendi potestate, si conditiones non respuerit: inter quas erat, ut si is Veronam reipublicæ restituat, Antonius polliceatur rempublicam ei daturam aliquam pecuniæ vim. eaque res ut bene reipublicæ verteret, omnibus in templis dies tres supplicatio decreta est. Antonius tacite profectus Feltriam ubi venit, literas sibi obviam missas accepit, quibus ei Maximilianus suis in locis atque oppidis dies octo commorandi potestatem faciebat. Eis literis non contentus Antonius, quod tam brevi temporis spatio Maximilianum convenire, remque tantam perficere posse se non confidebat, alias longioris moræ literas sibi mitti postulavit, easque in castello Butistanio, quod est in extremis reipublicæ finibus, se expectaturum confirmavit.

Antonio itaque Butistanii eas literas expectante, hostes qui Veronæ erant, a Maximiliano atque ab rege Gallia haud parva manu aucti, commeatu & tormentis per Athesim flumen ad eos in ratibus Tridento missis, oppido egressi ut exercitum reipublicæ aggrederentur, ad Gritum, qui non longe aberat, contenderunt: congressique, cum Veneti propter paucitatem premerentur, eos repulerunt, ducentosque ex equitibus captivos fecerunt, interfectis perplurimis, & Suavium ac Leonicanos ceperunt. Gritus cum reliquis, qui quidem fortissime pugnaverant, in Atestinorum se fines recepit. Fuerat hostium numerus equitum gravis armaturæ septingentorum, levis mille quingentorum, militum circiter septem millium cum Vasconum, tum Germanorum, ad quos gregariorum magna multitudo accesserat: quibus omnibus Palitia Gallus homo non obscuri inter suos nominis præerat. Ejus prælii nuncio accepto non mediocris timor Patres incessit, ne eo successu hostes sublati Patavium improvise se conferrent, quod vacuum defensoribus sciebant esse, ut de eo capiando, si quid possent, experirentur. Augebant eum timorem literæ a magistratibus Alpinis ad eos datæ, Maximilianum Tri-

den-

*IIII. non.
aug. hostes
Verona e-
gressi Vene-
ros fun-
dunt.*